

Dě tegní sù tě dlišia les manines
Ně pensava plù, mo sě la godova
Da dërtes strīs iló sùn quèla cósta
Dě fa a so şior corat bèl dût apósta.

Dě quèles inche plù ia jù 'n fovel, Maròres,
Maròres dal bèc age, scialdi çeviles,
Bëgn qu'alègres insciqu'piceres chores,
Quě scrichá e salta per quí crëp sotiles
E bëgn leşires; datrai a cërtes ores
Odès tě dlišia quèles tan gentiles
Cignan col chè dě vigni vérs; paziënza,
Da Pasca faráles 'chi peniténza!

Inche quèles matorlines nē falava
Da Rina, porvâ a s'astilè scicades
Plù quě les atres strīs qu'iló mangiava
E boiò, da vigni respèt delibrades,
Mo 'chi quèsta cosa n'i garatava;
Mo chi orès? da piceres mal aoşades
N'in póles nia; spetèd'qu'an fége la strada,
Inche ad èles gnarál quě troece abada.

Dě Longiarú les stritòses n'manchava,
Dě destorbè la santa pége charáles
'Chi iló; èles scraiâ, zancâ e stritava;
Dě comané da vigni pért porvâles,
Petava jù per mēşa e blastemava
Qu'ël ê n spavént; da dërtes strīs soffâles
Scèquě té bisques fége dër intoşiaades;
Dî nes presérvě da dě té infûriades!

Dě San Martin les strīs fageô les ágies,
Parò 'chi iló, scèqu'dlone zënza, inoçëntes,
Porvâ con gran fadia de gni scèqu'agies
Çucenes, sě sentiva masa strëntes,

Scē per les šopes, qu'éva masa agies,
Quēles dō Longiarú da bones stētes
Cospetā e blastemā les pūres cūghes,
Qu'ava pro mēša les plū bēles lūghes.

Scolté nē poi dē quēles da La Villa,
Dē quēles fūrbes sot crēp dē Gherd'nacia,
Qu'ē bones plū quē vign'atra per vila,
'Chi per batē, per fa la tacia tacia
Sūra gēnt con masa ria e būrta ghila;
Ēles fova, credēd', dē dēr ria acia,
Mo ch'orēs? vigni raza è defetōsa,
Dē quēs o dē quēl ater viz golōsa.

Ch'orēs dē plū? Inche San Chašan sūs bēles
Â mené a quēla festa, pūc scicades
Mo salvergines, spāvies scēque agnēles,
Quō dūt istē da n rī famēi è scoriades
Da n piz a l'ater per pales, forcēles,
Per vigni crēp e banc, per les valades;
Ch'orēs mai? Vigni val viv'a sūa mōda,
Scēquē vigni morin a sūa gran rōda.

San bēgn scē quēles dē Badia nē fōva
Inche iló! scēqu'dagnōra les sopérbes
Fageōles scialdi, perchì nē sai; orova
Fa l bēc da šeries, bēgn qu'ēles porta érbes
Jū dē quī crēp tra l dí; vēles credova
Dē podēi scēquē vèdli da gran bérbes
Comané plū d'les atres; mo, mis bēles,
Plan plan, qu'an s fēge pa'ch'òs dēr bēl morjēles!

Inche quēles „da lastū“ iló nē manchava;
Colfōsc, quēl bēl, Pescosta e spo Corvara
Sūa trūpa e so pice contingēnt menava
Dē quēles bonaces, qu'tan gian sta t'ara

Con dē bī jon'e para fora lava,
Se'ēla ó da bona mēda pro ēi sté para.
Ch'orès qu'i'dige chamó? Les plú scicades
Mē paròles, mo inche les plú rafinades.

Troepes en fól 'chi da Fodòm revades
A la gran festa, fô dēr bëgn vestides
Con bëles gonèles e bëgn tirades,
'Chi dan dal dût, insci paròl, nodrides
Dē bona spēisa; dē cèrtes odlades
Con quī bī oedli qu'vignùn les ès capides,
Qu'iló do quēl gran lēgn da la fortūna
Fòs sté posté con noš bon viadú ad ūna.

Súa depùtazion pù 'chi les Fašanes
À mené, quē fô squēš tra quēles bëles
Les plú bëles, somiava troep a Ganes;
Cinc en fól, no plú no manco, fancèles
O patrones, ēl è dût ün, no granes
No piceres, mo feter mešanèles;
N bèl corú, n bèl pice mūs e dēr gentiles,
Chavēis bī fòš e zēnza dēr çeviles.

Inó n'oró resté les Ampezanes,
Sèt en fól da quēl paış iló menàdes,
Dütes zēnza fal, dütes bëles sanes,
Coragiošes, inche nētes, bëgn lavades,
Con oedli sdlominüš, con trēces granes
Da s'inamoré e mans bëgn conservades;
Pro n bèl corp sūra dût dē gran morònes
D'or e ores dē gófa bëles e bones.

La plú gran trúpa fô bëgn dē Gherdēna,
Trēntsèt en fól, na pért falzes, chetines,
Con oedli arbasá, mo santes apēna,
Na pért sopérbes, 'chi n pù matorlines,

Cīs spo sc'ël n'éva qu'éva pa bèl „fëna“;
Dütes „sagiëules“, lapró docegines,
Dë fa sül mūs a dü't'l bèl imparades
E bèl da piceres insü insignades.

Infati ël n'ë dë vigni lüc, dë Rina,
Glira, Aréba, Laplattes, Fontanëlla,
Dë Larenzan e Juppa, dë Cortina,
Dë Brenta, Bülla, Méida, dë Fornëlla,
Dë Longiëga e plü in fora, dë Crestina,
Dë Pescosta, Calogna, dë Jumëlla,
Dë Badia, Penia, Miara, Rottonara,
Pescol, Pincha, Mortisa e dë Sottara.

Ël en fô 'chi dë Plazes, Fontanacia,
Dë Paluattes, dë Pliscia, Crafonara,
Dë Castalta, Praulëtta, dë Fernacia,
Dë Sorapéra, Tamores, Corvara,
Dë Motta, Muréda, spo dë Framacia,
Dë Nuaves, Reslada, dë Craciorara,
Dë Pozza, d'Elba, Champidël, Sommailla,
Dë Colfòsc, Mortice, Oies e dë Sollaila.

L bal scoménceles do la bona cëna,
N bal salvar dë saltamënt'e mil ródés
Dë vigni vérs tan snëles, qu'an po apëna
Les odëi: plü dë bota apëna rodes
Den calés rodan vëghen, qu'zënza pëna
Da bī chavai leşirz è trat; les modes
Sales dë dü't'i bai, 'chi les matades
Qu'an fége per l plü in gaosion dë masquerades.

D'i bai strambi plü stramba dë troep fova
La müşiga, da giat'bëgn eşeguida;
Trëdege contavi in dü't', fôş, e fageova
Chëz qu'ëi podova e guiva dë fa a frida

Con dūta šerietè; vignùn orova
Fa mī quē so compagn pro quēla ridda¹⁾;
Da olá spo quē quī sonadūs revèssa
E quī qu'ēi fossa, quī mai di l podèssa?

L tambúr batô quēl qu'è tra d'ēi in granēza
L plū alt, al plū pice stê bēgn la trombēta,
Quēl dal bombardon fô l prum dē grosēza,
Quēl dal cor n'â a soné pa ma na vēta²⁾,
La quitara sonâ l second d'altēza,
Forní cēr l corp bēl liz dē na gran vēta;
Bon organista fô quēl quē soflava
T'i orghi, scebēgn qu'ēl fossa dūt in sbava.

Quē quēl dal flaut la vista èssa n pū cūrta,
Fôl evidēnt iló pro quēla fēsta;
La giata da la piva é la plū búrta
Tra dūta quēla compagnia forēsta;
Da sòz fége quēl dal sbēbl; púr'giat quē l'úrta!
Prēš sēntel l sbēbl jū per súa púra tēsta;
Dē dūt'l miū sonadū é quēl da la zitra,
Ad aldí quēl èl vigni stria quē zitra.

L plū brao quēl da la vidora parèssa,
Les grifes sérv'd'arquēt; 'chi capobanda
Èl, sa da dūt'i giat', 'chi sc'ēi n'orèssa,
Sē fa respeté ed inche da vigni landa³⁾,
Quē pro l bal la cadēnza n'oservèssa;
Púc vé quēl dal mandolin, sù na banda
Pél qu'ēl sgrafedēiō; mo l tlarinetista
Podès tē so ért la vēnge con vigni artista.

¹⁾ parola italiana, che sarebbe nel ladino da tradursi per: rodamēnt.

²⁾ „N'avēi na vēta“ vuol dire qui: riuscire difficilmente.

³⁾ parola gardenese, che corrisponde al marebbano: mēda.

Inscí sonava i sonadús les aries,
Tan quē les strīs al bal atēntes fova
E zēnza mētō a vérda a les rīs aries,
Dē quēla noet d'alton o al vënt torova
L cērtl trēs plū lérc e libres da les charies,
Qu'dal dī les arbasava, i pīš movova
Con prestēza e sveltēza dē les fūries,
Al vënt i bī chavēis e zēnza ciūries.

Insciqu'les vèspes desenoses šēna,
Jora ia e ca, sū e jū e sē moscēda
Dē vigni vérs e trēs plū sē desēna,
Scē val pice marcadēt sū varš n'compēda
Ed ūrta (toš arál na bèla pēna,
Quan qu'ēles dūt ten iadē sē descēda)
A pesté tel ospá, scognú sot l'érba
Fat it'insciqu'ēl è con bèla bérba:

Avisa inscí fageō les balarines,
Spiē qu'ēles â l viadú dē la montagna:
S'arquita e chara, salta da vigines,
Cigidēia, scēqu'fége l fúc quē l'ēga bagna,
Roda dūt mates e plū quē berlines
Scēqu'fége dal sēn per sólít na ria cagna,
Ūrla da fa spavēnt con ūge salvares
Da les aldí saorí sūn Chalbouares.

A mèz l tólles da mates e rabioses,
L tira ia e ca, sū e jū per quēles colines,
Fége stragi ed at'da mates desenoses,
L pēia per les mans, per l guant, inche per les tlines,
Tan qu'i giat'fōš sūs aries scandaloses
Continūēia e con sūs modes salvergines;
Noš bon viadú minā, qu'ēla fōš f'nida,
A n cadaver somiál da la stremida.

A quèstes strambaris fége fin na vèdla,
La stria plù vèdla e l plù tra èles stimada
(Da Longiarù fôla, ava inom Rivèdla),
Sùn ciuc sàltela frat e con odlada
Da gran regina sopérba, stravèdla
Arquítela con n cign la masquerada
E tlama a sé con ùge grósa mo tléra
Na stria jóna què fô da Sottopéra.

Da plan i digela chèz intè n'orèdla,
La jóna cigna scè in bèla manira,
S'en vègne snèl vérs l viadù; sù spo l descèdla
Dal stato dè spavènt con man lesira
E grima da ri; do ten rù moscèdla
(Qui sa perchi?) con n ran e dige atira:
„Dè dūs coses tē dons, mi bèl, la lita,
Dámē ascòlt e tē quèl què tē profita!

N dèr strion ó la regina què devèntes;
Perció l dovèr dad imparé ascolta!
Dan dal dūt chara bëgn què nē tē stèntes
Dè fa del mal a gènt quan qu'èl è la olta,
Sī pa spo a ric'sī pù 'chi a pūres stèntes;
Sī a chaşa, sī pro l fègn qu'an sièia ed olta,
Tua lènga da brao pavaró agūza,
Col mormoré t'so onor vignùn spo stūza!

A dūt sùl mūs faras l bèl con franquèza,
T'aras per i bricons trés l'incenşara,
A dūt incenşaras bëgn con ligrèza;
Què dūt'da tē sī bëgn trés licá, chara,
Mo a fa a n pūr'diao n servige n'aies mai sveltèza,
Qu'èl oie ma 'chi ad imprést na ria manara;
Mo da a mènt, què tūs vértóres sī bones:
Dè d'gún' n'orons infati què t'i scones.

A quī qu'a gian dē scē diras dagnora,
Dē no diras a quī quē l'o atramēnter;
Striscia, smila ed arbāset'zēnza pora,
Mo per podēi fa mal fal solamēnter;
Sis dēr devót, chetin, sant a vigni ora,
Scē gēnt tē vēga, to útl'èl bonamēnter;
A na persona santa a vignùn crēta,
Crēie nes pos, nos l savon, ah marcadēta!

Gran dan faras, orons, tē quēles stales
D'i contadins a vaches e vidēles,
A manșes, bōs, vidī, chavai e chavales,
A bagót', bisces, ad agnī ed agnēles,
Inche a les chores fora per les pales,
Tē quī stalot'a bī porcī e porcēles,
Ad alches, alcons, gīai ed a gīarines:
Dūt revinaras con nostes med'gines.

Da nos impararas divērșes modes:
Dan dal dūt la sciēnza dē la tempēsta,
Dē les trapolarīs dūtes les frodes
In gaošion dē marchá o dē val gran festa;
Dūt'i vice, dūt'i at', dūtes inche les rodes
Da fa per abinē la gēnt forēsta
E quēla dē so paīs bēl sot tē pēgna:
Dūt quēš'èl nosta sciēnza quē t'insēgna.

T'insignaron l secrēt dē la riquēza,
De l'arobé, de l'ingiané la strada,
Dē nostes radunanzas la belēza;
Con na parola odēi gēnt incantada
Podaras a mēz n trū con gran sciquēza;
Portes sēn a valgūn', con bēla dada
No odū l pos regalé, no con manara,
Mo con baquēt o rūta o con granara.

Mo scē dē gni n bon strion tū t'en desdiges
E t'os plū gian inscī stracē la vita,
Tē mēsi di, quē malamēnt deçiges
A pērd' da quēš momēnt 'ncā la bèla ita,
Davìa quē dlone, tūt fora sol les dlišes,
Perseguitē saras da nos a strita
E tribolē dē vigni vēr̄s e moda,
Inquina qu'dūt to avēi in ūltim va in broda.

Dlone e trēs sentiras nosta potēnza,
Tē dūt' tū afari e dūtes les façēdes
Contra saron̄s a ti con gran violēnza
Con dūtes quēles forzes qu'on tremēndes,
Forzes quē no scēqu'atres dā indolgiēnza
Mo qu'fēge impó mervôies granes, stupēndes;
Dē ban faras azions bones e santes,
Crēiē pos a mi: dē ban con nos la impiantēs. “

A quēš dā noš viadū quēsta resposta:
„Mia bèla stria, dē perdiquē şēgn lascia!
Tūs paroles rūva a la falza posta,
Bēgn quē gran chacolona sīs dē Faşa;
Os strīs quiló abinades tegnī a la osta
Podēs per mé, mo mé degūn' n'infascia,
'Chi les strīs nē; la libertē m'oi godē
Sot vigni aspēt, tandī qu'ī'a vita e rodē.

N consēi ves jonti a dūtes, mo a les bèles
Plū qu'a les būrtes: Sta vita lascēdē!
Del malan dī asā sēs stades fancēles;
Dē fa val bones operes charēdē
Per oş bēgn ed ūtl, pūres matarēles!
Qu'ēster stria gran matada sī, credēdē!
Ūş at' da mat' quēl būr linfēr s destina,
Olá qu'tormēnt e pēnes mai nē fina. “

A quëš respògn'les strīs con gran spetáco,
Ūrla, sraia, scíora, cigidëia e chanta,
Salta scëqu'i Badiót'dal gran san Iaco,
Quan qu'ëi col chanté e balé dút'incanta.
Chi credès? Inscí n'ël degún miraco,
Quë l púr'viadú, qu'ë zënza d'ëga santa,
Nia púc e granamënter sě spavěnta
E dë crëië chamó a súa salvěza stěnta.

La stria jóna intan, qu'ava la regina
Dě dűtes fora quirida ed inviada
Dal viadú, vëgne da nű da docegina
Insciqu'ëla éva e dige con űge alzada:
„Mi bël viadú da la těsta berlina,
La túa resposta è da nos aęetada,
Adoré ně podons na té persona,
Donca n'avěi ma těma e dát'la bona!

Mo scě t'os ten gi san e intom la strada
Quë t'as tút a gni, chi quë t'as da fa, alda!
In vita túa dë nos con storta odlada,
Con val salút'mená insciquë ël n'alda,
Con parola con sospèt prononziada,
Con blastěma contra strīs masa chalda
Degúna ně sara mai mai tradida,
Degúna mai da túa lěnga imbanida!“

„La libertè plű stimi qu'atra cosa,
I ves l dige la seconda ed űltima ota;
Col'impermětě valc la pėrdi, chosa!¹)
Donca, mia běla stria, lascia qu'i'dai ota,
Scě no chara bėgn, jű tě quěla fosa
Dlongia quěl rű tě scíori běla sota:
Qui qu'a striones in quëš o in quěl mět'vérda,
Merita d'ěster confinè t'a Vérda.“

¹) = chi ós pa (espressione di asseverazione che significa: sicuramente).

„Què l bal scomënce“, dige la salvergina;
„Aspeté chamó fòs pa ma matada;
A quëš chë dūr farai da balerina,
Qu'ël pënsara gonót a questa strada;
Da os, oh bèles sorús, da tèsta fina
Tratan quëš bal sarai acompagnada;
Os, joblèrs, soffèd', pièd' con dūta forza
Të les cordes, l destin a quëš nes sforza.“

Na mûsiga scomëncia spaventosa,
Fúc pël qu'i giat' salvari dai oedli spüdë;
La bèla stria devënta tan stofosa,
Quë noš viadù scomëncia a fa dër püdë,
L tira dë vigni vérs, la ria zanosa
(An sa tan snël quë n'ëla riacia mūdë);
Snëles i fégela tan rodé les rodes,
Qu'ël desmëntia d'sa libertè les modes.

Cër ël ia roda l coro dë les striones,
Fége at', stragi da mates svergognoses,
Scraia, scïora, ũrla scèqu'fége dë búrtes boiones,
È plü quë mai con noš viadù stofoses,
Fége pice intórt'scèqu'fége les gran lotrones,
Tira e zéra, stracia con mans squifoses;
Pëso scèquë dagnòra fò les vèdles,
Cis spo les vèdles da la pèrt dë Cèdles.

L bal va inant scèqu'fége l vënt dan la tempèsta,
Jü per Chaolonc, per pra, travérs pastüres,
Pasa bosc', palüge, rús con búrta festa,
Va per les monz d'i Pigolérz, per Stüres;
L bal va trës inant e në dige mai rësta,
Per Chalbonares, Cëndles, Beşadüres,
Pasa súra Quérz, Réba, Col dë Lana
Ed è ten colp ia pèra Marişana.